

Headline	<b>Seminar Sumber Alternatif Industri Papan Panel</b>	Language	<b>MALAY</b>
Date	<b>25. Jul 2008</b>	Page No	<b>4</b>
Media Title	<b>Utusan Malaysia</b>	Article Size	<b>198 cm2</b>
Section	<b>Supplement</b>	Frequency	<b>Daily</b>
Circulation	<b>238082</b>	Color	<b>Full Color</b>
Readership	<b>833287</b>	AdValue	<b>2796.64</b>



## Seminar sumber alternatif industri papan panel

PENINGKATAN persaingan dalam industri perikanan global mendorong Universiti Putra Malaysia (UPM) mengambil inisiatif menganjurkan seminar khas bagi mencari sumber alternatif kepada industri tersebut.

Seminar yang bertajuk 'Bahan Mentah Alternatif Untuk Industri Papan Panel' itu akan diadakan di UPM pada 29 Julai ini.

Ia dianjurkan oleh Fakulti Perhutanan UPM dengan kerjasama beberapa industri penyelidikan seperti Besharta Sdn. Bhd., Tian Siang Holdings Sdn.

Bhd. dan Palm Wood Technologies Sdn. Bhd.

Seminar itu yang dijangka dirasmikan oleh Menteri Perusahaan, Perladangan dan Komoditi, Datuk Peter Chin Fah Kui, dihadiri oleh wakil-wakil industri perkilangan, persatuan peniaga, saintis, penyelidik dan beberapa wakil badan kerajaan.

Melalui seminar itu, peserta akan berbincang mengenai bekalan bahan mentah sedia ada di samping mencari sumber alternatif baru yang boleh digunakan untuk industri papan panel.

Menerusi kajian dan kerjasama yang terjalin ini, ia secara tidak langsung dapat memberi manfaat kepada semua peserta terutama para pelajar dari Fakulti Perhutanan sendiri.

Perbincangan tersebut juga akan menjurus kepada pengkomersialan batang kayu dan sisa hampas kelapa sawit sebagai sumber alternatif untuk pembangunan industri papan panel.

Sebenarnya, kualiti produk berasaskan batang kelapa sawit ini telah pun dibuktikan dalam pembuatan perabot kayu untuk kegunaan pelajar-pelajar

sekolah.

Prototaip produk itu bakal dipamerkan pada seminar tersebut bagi memberi keyakinan kepada para peserta bahawa produk berasaskan batang kelapa sawit juga mampu untuk dikomersialkan.

Pada seminar itu juga, dua buah buku berkaitan kajian dan penyelidikan industri perikanan akan dilancarkan.

Buku tersebut adalah *From Waste To Wealth - The Tian Siang Story* oleh Prof. Madya Dr. R. Jegatheswaran dan *Quick Reference On Rubberwood* daripada penerbit World Resources Institute.